庫全書

子部

欽定四

讀書録卷三

子部

侍讀臣孫球覆勘 詳校官中書臣秦 總校官進士 瀛

官中書 艗 生 臣張 臣潘庭筠 注 朱

終

校 對

騰

绿

芢 烤 飲定四事人書 人 而生陽静而生陰如是之一動一都互為其根如是之 天地一終愈寂之餘太極動而生陽而天復開動極而 無窮而萬物生生不息馬其天也翕寂之前如是之動 静静而生陰而地復成一動一静互為其根天命流 極動而生陽但就動之端說起其實動之前又是静 請書録 明 再至静之中而動之端已前即所謂太極動而生陽也 聖人之所以教賢者之所以學性而已 端陰陽無始也歟 而氣則未當有息但翁寂之餘猶四時之貞乃靜之 今天地之始即前天地之終其終也雖天地混合為 程子性即理也之一言足以定干古論性之疑 極圖 命流行化生萬物者益不可勝窮也斯所謂動静 一言以蔽之曰理氣而已 極

陰分陽兩儀立馬原夫前天地之終静而太極已具今 豈動静無端陰陽無始之謂乎以是知前天地之終今 氣有斷絕而太極別為一懸空之物而能生大氣矣是 てこ)!!!! 太極乃所以主宰流行乎其中也 天地之始動而太極已行是則太極或在静中或在動 地之始氣雖有動静之殊實未嘗有一息之斷絕而 雖不雜乎氣亦不離乎氣也若以太極在氣先則是 讀書録

動極而静静而生陰静極復動一動一静互為其根分

或言未有天地之先畢竟先有此理有此理便有此氣 竊謂理氣不可分先後益未有天地之先天地之形雖 造化人事雖萬發不齊而理則一定也 無我則內外合而與天為一矣 離乎陰陽也若誤認陰陽別有一物為太極則非矣 無極而太極乃周子指出陰陽中之理以示人實未當 否泰相凶無一息之停盛哀之理微矣 泰之九三當城之極而哀之端兆馬可不慎數

多定匹库全書

而理無不存以至化生萬物萬物生生而變化無窮理 之静而具於地之中分天分地而理無不在一動一静 欠こうしここ 程子日老子竊弄闔闢者也益造化之愈聚所以為發 子曰易有太極其此之謂與 氣二者益無須臾之相離也又安可分孰先孰後哉孔 之動而具於天之中静而生陰而地始分則理乘是氣 理涵乎氣之中也及動而生陽而天始分則理東是氣 **未成而所以為天地之氣則渾渾乎未嘗問斷止息而** 請書録

散發散所以為愈聚老子將欲取之必固與之將欲愈 聖賢千言萬語只是明此理 極生陰二 無極而太極本然之性也太極動而生陽動極而静静 其心泰然而樂 之必固張之是所謂竊弄闔闢者也 涵養之深哉索之久渙然氷釋怡然順理矣 用力於詞章之學者其心荒而勞用力於性情之學者 一五流行化生萬物者氣質之性也 巻三 欠こうこととう! 隐羞惡辭讓是非之情所謂善固性也氣質濁雜而有 程子曰有主則中虛虚謂心中無物也又曰有主則中 譎詐所謂惡亦不可不謂之性也 氣質清粹而無所蔽則皆以仁義禮智之性發而為惻 所蔽則仁流為耽溺義流為殘忍禮流為矯偽智流為 程子曰善固性也惡亦不可不謂之性也性 人心之感而善惡有異 理本一也由陰陽之運參差而不齊人性本一也由 調書係 而已矣

實實調有理也 若實見得雖生死猶不可異況取舍之間乎 開卷即有與聖賢不相似處可不勉乎 具也 水陰也生於陽火陽也生於陰見陰陽有互根之義書 金牙四月在書 八極之中 圖乃萬數萬理萬象萬化之源)易即太極也所謂池 不有所謂畫前之易也 一漠無朕之中而萬家森然已

者事也盛而就實者利也實已成熟者貞也成熟可種而 復生人為貞下之元矣生理循環益未當毫髮止息間斷 觀太極生兩儀四象八卦則物之一本可知矣 春日和氣薰心有惻然之意 懈意一生即為自棄 得出則奮擊而為雷霆觀豫卦之象亦可見矣 花即具元亨利貞之理花始等而未開者元也開而威 陽在上下五陰之間張子所謂陰在外陽在內而不

志引門表

深而難去所謂城狐社鼠是也 古者宰相竊柄顯而猶可攻惟近胃竊柄如恭顯輩則 薰然慈良恻怛之心與温然春陽之氣為 天地萬物形體皆虚而理則實 理氣在天地為公共之物一麗於形則萬殊矣 総之者善其理一成之者性其分殊 漢光武不任三公而事歸基閣勢然也 惻然慈良之心即天地藹然生物之心

徳行道藝皆不如古人豈可不自勉 為人不能盡人道為官不能盡官道是吾所憂也

活潑潑地仁之發也

生之理仁也

禮者天理之節文孔子謂克已復禮為仁何也益仁

一則天理流行而為仁矣 理也人欲熾則天理不行必克去已私事事皆復於

余思仁數日未得其說忽於惻然隐恤慈良之端似

讀書録

文三日 二十

天包地外水在地中地中之水即天所生也 敬天當自敬吾心始不能敬其心而謂能敬天者妄也 即用以窺體有一毫忮害之心即非仁矣 多分四月全世 人知水生於地中而不知乃天所生也盖天包地外地 氣為天上之雨也地中之水天上之雨統一氣之流行 一澤通氣地中之氣為地中之水也山川出雲地中 氣流行一本也著物則各形各色而分殊矣 非有二也

矣 自古未有逆民心而得天下者幸而得之亦不過數傳 國縱横之徒唯言利害而不及禮義先王之澤盡矣 春秋時解命猶有言禮義者乃先王之澤未泯也至戦 大丈夫心事當如青天白日使人得而見之可也 能生水而不窮也 民心至柔真有不可强者惟順其心而道之則無不從

處天中地外之天氣無時止息而鬱積流通於地中故

RODING LILLS

請占録

金员四月全書 單襄公曰君子不自稱也非以讓也惡盖其人也夫 **夬九三壯于煩有凶獨行遇雨若濡有愠無咎决小** 多而麒麟少荆棘多而芝蘭少磁砆多而良玉少其理 除多而陽少小人多而君子少鷹隼多而鳳凰少豺虎 欲以虚假之善盖真實之惡人其可欺天其可欺乎 之道怒見于面必有凶惟從容和柔以决之則無咎 也 卷三

亦名言 體而足不步目其心必異矣目體不相從何以能久此 單襄公曰君子目以定體足以從之是以觀容而知其 川流不息之意余於先天圖見之 心矣目以處義足以歩目今晉侯視遠而足萬目不在 此乃名言 性凌下者不可盖也求盖其人抑下滋甚故聖人貴讓 陽復而為之喜一陰生而為之戒聖人扶陽柳陰之

九八日日 ハルラ

讀言録

虚心接人則於人無忤自滿者反是 觀復始則知君子小人盛衰之理矣 意至矣 金罗巴居石重 天賦人以才德本無不備才德全始稱為人之名初 心誠色温氣和辭婉必能動 人知天下事皆分內事則不以功能誇人矣 人有貿才能而見於辭貌者其小也可知矣 亳加於本分之外乃知自於自伐者皆妄也

文三日年 在 戒太察太察則無含弘之氣象 覺人詐而不形於言有餘味 容之謂也 讀夫九三之辭而知决小人之道讀九五之辭而知克 經日有容徳乃大有忍乃濟者宜深體之 (無不包地無不載君子法之)私之功 須有容乃大古謂山藪藏疾川澤納汚瑾瑜揜瑕有 讀書録

容有道者之氣象 之氣象江山如有待花柳自無私唐詩皆不及此氣象 少陵詩口水流心不競雲在意俱遲從容自在可以形 君子之志固非常人所識也 不愧於天不愧於人不愧於心斯近道矣不愧於心其 行有不得皆當反求諸己 · 陵詩寂寂春將晚欣欣物自私可以形容物各付物

欠にしりい へい 立天之道日陰與陽立地之道日柔與剛立人之道日 待左右當嚴而惠 係戀之私恩畜臣妄吉此侍小人女子之道也 欲動情勝氣一之動志也 形中虚而開故其数偶一以象之 殊而理一也 大陽也其氣渾然無間故其數奇一 .與義陰陽以氣言剛柔以質言仁義以徳言三才分 讀書録 以象之地除也其 †

孟子一暴十寒之喻皆格心之學 金豆四月至言 論紛然不决天下學者莫知所從至於程子性即理也 孟子告君皆先正其心 知性有不善者乃氣質之性非本然之性也由是性之 之言出然後知性本善而無惡張子氣質之論明然後 字自孟子以後首揚以來或以為惡或以為善惡混議 宋道學諸君子有功於天下萬世不可勝言如性之 字大明於世而無復異議者其功大矣自孟子之後

欠こうこと 莫之能勝也至宋道學諸君子出直楊異端之巢穴而 辯其毫釐似是之非由是邪正之分昭然若親黑白雖 清以鉛錫明珠而不得混以魚目彼雖援引比附亦無 餘乎獨唐之韓子不顧侮笑力救其失而一齊衆楚猶 人之書游聖人之門以儒自名者猶匍匐而歸之况其 漢唐以及五代之間異端與吾道争為長雄至有讀聖 自而入也是以庠序育才科舉取士講學命詞粹然 **未得悉絕其道無使並行然吾道既明如精金而不得** 請言録

也 斯須省察不至則妄念發 其端之教是皆道學諸君子距邪問正之功也嗚呼威 出於充舜禹湯文武周公孔子顏曾思孟之正絕口 心萬物渾是 事心或不快遂於别事處置失宜此不敬之過 於形體自小若能不為形 團理氣

多分四母在書

欽定四車全書 斯須心有不存則與道相总要當常持此心而不失則 已富惟欲已貴惟欲已安惟欲已樂惟欲已生惟欲已 或讀書或處事或論人物必求其是處便是格物致知 見道不可離矣 "功益是者天理也非者人欲也得其是則天理見矣 所以千病萬病只為有已為有已故計較萬端惟欲 夜以思只公之一字乃見克已之效驗 讀書録

而不勝其大矣

壽而人之貧賤危苦死亡一切不恤由是生意不屬天 萬物萬事各有分各安其分自然無事矣 勝用者矣 蔽於有己之私也 已與人物本同一理一氣而或不能公好惡於天下者 則生意貫徹彼此各得分願而天理之盛有不可得而 理滅絕雖曰有人之形其實與禽獸奚以異若能克去 有已之病廓然大公富貴貧賤安樂生壽皆與人共之

钦定四事全書 人 事多周詳後輩作事多闊器余覺有闊器之失宜謹之 作事切須謹慎仔細最不可怠忽跳畧先儒謂前輩作 **矯之外則氣質變矣** 輕當矯之以重急當矯之以緩禍當矯之以寬躁當矯 往時忽覺心動近覺隨怒隨休而心不為之動矣 凝定最有力 息不可不涵養涵養只在坐作動静語點之間)以静暴當稿之以和粗當矯之以細察其偏者而悉 請書録

語哉 余性偏於急且易怒因極力變化 加慢易之心哉 作官者雖愚大愚婦皆當敬以臨之不可忽也 為學最要務實知一理則行 民如承大祭然則為政臨民宣可視民為愚且賤而 念不謹即有偷惰之意所謂惟聖罔念作狂者豈虚 操而羣都退聽一放而羣和並與 一理知 事則行一事自

徳養身莫過於操心之一法也 聖人立教明白懇切直欲天下萬世之人皆入於聖賢 學者大患在行不著習不察故事理不能合一處事即 得而實踐者乃知其言之有味 求合理則行著習察美 許魯齊詩日萬般補養皆為偽只有操心是要規惟心 操心一則義理昭著而不昧一則神氣凝定而不浮養 然理與事相安無虛應不切之患 滴書妹

銀定四庫全書 造化俞寂專一 之域 資而不可缺一也 繞收飲身心便是居敬纔尋思義理便是窮理二者交 居敬以立本窮理以達用 敬則有紛擾之患 居敬有力則窮理愈精窮理有得則居敬愈固 於居敬而不窮理則有枯寂之病一 則發育萬物有力人心寧静專一 於窮理而不居 則

矣 敬以存此理窮理時敬以察此理雖若二事而實則 初學時見居敬窮理為二事為學之久則見得居敬時 事而求其當否即窮理也 如存心端坐之時此居敬也或讀書而思索義理或處 **无典以欽之辭始益稷以欽之辭終則尭舜傳心之要** 理作事有力 知矣

銀定四座全書 事則難 以紙上之言觀往事率皆輕議古人處事之失設使身 鳅 居其地吾見其錯愕失措者多矣 好議論前輩得失乃初學之大病前輩誠有不可及者 在古人之後議古人之失則易處古人之位為古人之 理流行賦予人物之機無須史之止息兹所謂命也 可輕議也

钦定四車全書 人 唐之韓子乃孟子以後絕無僅有之大儒原道原性篇 夷考其平生之所為不及古人者多矣豈非言不及行 深許朱子又為考正其書誠非淺末者可得而窺也後 雖博愛三品之語有未瑩者然大體明白純正程子所 切不可隨衆議論前人長短要當已有真見方可 可恥之甚乎吾輩所當深戒也 詞者皆是也嘗觀後人肆筆奮詞議論前人之長短及 言不及行可恥之甚非特發於口者謂之言凡著於文 讀書録

遺經發之身心見諸事業而伊洛真儒之所稱許而推 當韓子之時異端顯行百家並倡孰知充舜禹湯文武 學因見朱子無論其得失而不知此乃責倫賢者之意 得其傳又孰知仁義道德合而言之又孰知人性有五 周公孔子孟軻為相傳之正統又孰知孟軻氏没而 遂妄論前賢若不屑為者其可謂不知量也甚矣 而情有七又孰知尊孟氏之功不在禹下又孰敢排斥 釋氏濱於死而不顧若此之類大綱大節皆韓子得之

飲定四車全書 · 張朱數君子則可苟未及數君子皆當自青自求殆未 矣者尚失其意而韓子生於道術壞爛之餘無所從遊 韓子若不足學者設使此輩生韓子之時無先覺以改 重者也後學因見先儒有責倫之言逐點拾其說妄議 性理之學經周程張朱諸君子發揮如此明白當時親 暇又安敢窺韓子之門墙哉故論韓子之得失在周程 其迷無定論以一其志吾見淪於流俗感於異端之不 可輕加詆議以取僭妄之罪也 請書録

質正乃能卓然有見排斥異端扶望正道遂有立於天 其明也 道散之時無所講明切磋以底大就使生宋時得與道 如星日麗天而典學曲說真如區區之爝火自不得亂 性理自宋道學諸君子及覆辯論發揮縊與之後緊然 學諸君子将則其所立當不止是矣 韓子氣質明敏剛正樂易寬厚皆過於人但生於學絕 下後世真可謂豪傑之才矣

次三の日本書 萬古不易者理而已 孝陰長而陽道消大易之深戒也 人不主敬則此心一息之間馳鶩出入莫知所止也不 主敬則嗜欲無涯馳鶩不止真病風狂惑之人耳 人不持敬则心無頓放處 主敬則思不出位而分定矣 人有功可優之以賞不可假之以柄 理而改頭換面做出無窮物事神矣哉 請書銀

讀易則知陰陽消長之幾皆由微以至著聖人謹其微 氣無窮理亦無窮 詩曰不愆不忘率由舊章孟子曰遵先王之法而過者 故不至於著衆人圖具著則亦莫之及矣 子立國家之大慶功由小人立知者所深慮也 人勿用漢誅竇憲五侯有功而其勢自此盛故功由君 古人於小人有功可深慮而不可喜易曰開國承家小 上蔡有一砚極愛之遂屏去此可為克已之法

器用當用者不可缺有私各之心則不可 率而循之何失之有 **木之有也益祖宗更事多為慮深故立法局且密後世** 外物得亦不喜失亦不怒則心定矣得失而喜怒生馬 不能克己者志不勝氣也 是猶累於外物而心未定也

少にり しんか

也能推其所能以及其所不能則克無不盡矣

讀書録

人之克已或能克於此不能克於彼此是克之有未盡

賦各定 制服私意而不抜其根如蓄火於毛羽之中得風復然 静而正六重之中當體而理無不具 爱外物好则心不好矣 私無大小覺即克去 以言乎遠則不禦生生而無窮以言乎近則静而正禀 **美故克伐怨欲不行固為難不若克伐怨欲净盡之為** 以言乎遠則不禦六畫之上生生而無窮以言乎近則

至也

讀書以防檢此心猶服藥以消磨此病病雖未除常

藥力勝則病自哀心雖未定常得書外深則心自熟久 則哀者盡而熟者化矣

許 因 ?曾齊曰責已者可以成人之善責人者適以長已之 事不快於心而遷怒之心妄發此學者之通病

とこうこ ハニ 周公告成王曰厥亦惟我周太王玉季克自抑畏益抑

讀書録

Ē.

惡

然作于上即應于下上以就樂縱則下以就樂從是其 實為脩省之至要也 日無教逸欲有邦皆此意也豈非萬世之永鑒與 為尤速也益之告舜曰問遊于逸問淫子樂學陶告舜 為訓于民非言語之訓乃以身訓之訓宜其感應之機 君者天下之表儀人君一日之姚樂雖若不至於大害 周公曰無遑曰今日躭樂乃非民攸訓至哉言乎益人 乃檢束收敛之意畏乃恐懼兢慎之意豈謂王者當然

多定四库全書

陶 處事了不形之於言尤妙 處事大宜心平氣和 若無事者不可以處得其當而有自得之心若然則反 斷事當詳審安重為之以艱難處之以果决事了即當 **吾性覺跳快寫字有差遺者即此是敬不屬處謹之** 大事小事即平平處之便不至於駭人視聽矣 為所累矣 湖明日此亦人子也可善過之 南台江

多定四庫全書 當見人尋常事處置得宜者數數為人言之陋亦甚矣 處事最當熟思緩處熟思則得其情緩處則得其當 治小人向他人聲揚不已不惟增小人之怨亦見其自 如治小人寬平自在從容以處之事已則絕口不言則 古人功滿天地德冠人羣視之若無者分定故也 治人當有操縱人不得而怨之 無所聞以發其怒矣

錯了此言當熟思 安重深沉者能處大事輕污淺率者不能 **青門與王莽並其後卒為茶臣而死於其世是其進也** 奇其文召以為門下史薦雄待詔歲餘奏賦為郎給事 揚雄年四十餘自蜀來游京師大司馬車騎将軍王音 法者天討也以公守之以仁行之 天下之事緩則得忙則失先賢謂天下甚事不因忙後 字不可輕與人一言不可輕許人一笑不可輕假 清昌縣

學者之 彼勝 志固難持氣亦難養主 **廣大虛明氣象無欲則見之** 無義理以養心何所不至)無須臾閒理欲之幾間不容髮此勝則彼負此負則 萌滋矣 王氏終也以王氏大節之虧有自來矣 庫全書 **有所操则物欲退聽斯須少放即作** |敬可以持志少 / 総可以養氣

とこうこと こここ 悖天也 賢智誇人者皆不能究其本也 全者憫憐之可也鄙笑之不可也引掖之可也棄絕之 德如堯舜學如孔子皆已分之當為與人一毫無與以 知大事小事皆已分之當為則自不有其功矣 **欲淡則心虚心虚則氣清氣清則理明** 中夜坐思曰天賦之初本有善而無惡人而不為善是 亦有此理我亦有此理人不能全而我能之視不能 請暑録

不可也 金灰匹库全書 四海 古人叙事之文極有法如禹貢稿首以數土奠萬山 導山次導水以見經理之先後次九州四隩九川九 執己能以病人之不能適足以自病而已 以告厥成功始終本末綱紀秩然非聖經其能然乎 服 為一書之網次與州以王畿為九州之首次八 以述經理之政事而終之以聲教記于四海執玄主 以結經理之效次制貢賦立宗法祗台德先分五

欽定四庫全書 神而明之存乎人人能弘道也 盡前之易 矣微矣非耳目思慮之所及矣孔子所謂密部子所謂 指此理而言 化而裁之推而行之舉而措之神而明之點而成之皆 所分八乃四所分四乃二所分二乃一所分至一則隱 六十四乃三十二所分三十二乃十六所分十六乃八 班固外戚有曰夫女寵之與縣至微而體至尊窮富貴 width讀品好

以立名耳 然哉小人無大功德而竊髙位厚禄亦若此而已矣 程子之易主孔子 天之道元亨利貞民之故仁義禮智 大象辭旨以理言 理春謂之元夏謂之亨秋謂之利冬謂之貞因時 卦畫雖具而占卜之法未備意唐虞夏商之世

而不以功此道家所畏禍福之宗也余謂豈獨女龍為

欽定四庫全書 先定昆命於元龜祖伊日格人元龜罔敢知吉箕子陳 **彖傳小象大象文言繋辭説卦序卦謂之十選然周以** 前占卜之法既皆不傳令所傳者唯周易至孔子則作 法矣周易則因文王演易繫录周公繁交而得名周以 洪範稽疑之疇尤詳於卜筮大卜掌三易夏曰連山商 已有占卜之法如禹日校卜功臣惟古之從舜日朕志 上易雖不可見觀經傳論載之語益皆專主卜筮文王 日歸藏周日周易以是觀之則周已上益已有占卜之 嫡書好

成性存存所以立本也道義之門所以達用也 本義則推原作易教人卜筮之意於千古之上讀易者 性是本來固有之理惟存而又存則道義由是而出矣 親親仁也敬長義也無他達之天下也故知惟孝友于 各即其意而觀之可也朱子之易主邵子故蒙可見 周公之易則皆發明伏義卜筮教人之意尤著至孔子 兄弟為為政之本 則始詳於義理而不遗卜筮程子之傳專主義理朱子

矣 情可於雖從寬典又當使之不知其寬可也 處事不可使人知恩 務為寬縱暴其小慈欲使人感己之惠其慢天討也甚 不言而自能行出則人心服 炎色田草食島 法者天討也或重或輕一付之無心可也或治奸頑而 行七八分言二三分 行浮於言 請書舒

言不勝感發興起中心惻然必欲不為一事之惡以恭 處事在己者只當務實若能動人否則在彼耳我何容 心其間哉 因請朱文公與子受之書念之念之夙夜無忝所生之 徇人情使人人譽悅則失公正之體非君子之道也 欲人悦已則人有惡己者矣 只令在己者處得是何恤浮言 為政當以公平正大行之是非毀譽皆所不恤必欲曲

伊尹曰接下思恭豈惟人君當然哉有官君子於臨衆 處事詳審安重 先人瑄每顧遺體之重未嘗一日敢忘先人

處事之際所當極其恭敬而不可有一毫傲忽之心不 乾以易知坤以簡能乾坤只是自然故易簡人能順自 惟臨衆處事為然退食宴息之時亦當致其嚴肅而不 無違人欲消而天理明矣 可有項刻褻慢之態臨政持己內外一於恭敬則動静

炎江日 日本

讀書録

當事務業雜之中吾心當自有所主不可因彼之擾擾 簡者非厭事繁而求簡也但為所當為而不為所不當 為耳 櫌若私意! 然之理則易簡可點識矣 まだなしん とこう 少欲則心静心静則事簡 (只是简心性静則存動則應明白坦直本無許多勞 為外物所誘則心無損臭之寧矣 一起則支節橫生而紛紜多事矣

飲定四車全書 世有賣法以求賄者此誠何心哉夫法所以治奸頑 法者天討也張法所以號天也敢不敬乎 用法稱量輕重要不失其中而己 事貴斷制椒脱 問邪如城郭城郭不完則外怒入問邪不密則外慮侵 而速易也 釋好預則良善之冤抑何自而仲哉使良善之冤抑不 奸碩有犯執法以治之則良善者獲伸矣若納賄而 讀書錄 縱 b

至宋儒而道析一 仲是不惟不能治奸頑而又所以長奸頑也據萬位載 古一也 世有假官柄以濟貪欲者吾不知此何心也 顯名東三尺者忍為此態手 陰符經曰萬化定基易曰同歸而殊逢一致而百慮其 感自内出應由外來 至誠以感人猶有不服者况設詐以行之手

飲定四事全書 道術定於一今學校之教經術之習絕口於漢店異端 隱正謂隱於異學也 漢儒讖緯九派之雜唐士釋老辭章之支至宋儒出而 之易則知作易之本原實出於此未子詩曰大易圖象 易先天諸國自希夷以前皆為方士所傳授至邵子反 於易學大矣 圖 象隱於異學者數千年至邵子而反之於易其有功 駁雜之學者宋儒之功也 讀書録 芜

謂敬無適之謂一與 步四步無不如此所謂敬也如行第一步而心在二步 膽欲大見義勇為心欲小丈理密察智欲圓應物無滯 至若寫字處事無不皆然寫第一字心在第一字上為 易之本原至邵子而復明 三步之外行第二步而心在四步五步之外即非敬矣 行第一步心在第一步上行第二步心在第二步上三 事心在一事上件件專一便是敬程子所謂主一之 とこう 大 Tul Dist Kithis 膽大心小似知崇禮甲知圓行方似和而不流 **彖由卦生德以象立** 不言而躬行不露而潜脩 其正與鬼神合其吉凶也 行欲方截然有執 .健義順與天地合其德也知周萬物與日月合其明 仕止久速各當其可與四時合其序也進退存完大失 細密則見道心簏則行不著習不察 詩書錄 丰

書稱舜曰濟哲益深則哲淺則否當驗之於人其深沉 聖賢之子孫賢不肖皆天也天本無心人之生也偶值 讀書皆以明本來固有之理而欲行之無疑耳 者必有智浮淺者必無謀也 其氣之清明純粹者為賢知得其氣之昏濁駁雜者為 徳不徳能不能厚之至也 理耳 為學大抵就已分上去其本無之私欲全其固有之天

金分口人

碩愚若聖賢之子孫有賢不肖之異者則以所值之氣

體認之法須於身心之所存所發者要識其熟為中熟 為禮孰為智孰為誠义當知如何為主敬如何為致恭 為和熟為性熟為情熟為道熟為德熟為仁熟為義熟 已奪其秀氣可謂繆愆之論矣 不同耳後人因見聖賢之子孫或有不肖者乃謂聖賢

何為戒慎恐懼如何為致知力行如何為博文約禮 如何為存養如何為省察如何為克已如何為復禮

次三月五十十二

調書銀

名而未常親見其人之貌又烏為真知真識哉 所學者實未知為何物也 有人為學者徒日講道學道不知所以體認之則所講 為真知其理徒知理之名而不知理之實猶徒識人之 如此則見道明體道力而無行不著習不察之獒矣 、理如人天理之名如人之有名既識人之名預親見 之貌方為真識其人既知理之名須真知理之實方

几天理之名皆欲識其真於凢用功之要皆欲為其事

飲产四年全書 及 學不進率由於因循 習又偏一旦驟欲變其所習非百倍之功不能也 化之功則亦無不可變之理若氣質既偏自少至長所 測之而無窮資之而不竭離之而不開斷之而不絕此 此果何物称推而上之莫究其始引而下之不見其終 事事不放過而皆欲合理則積久而業廣矣 無限量無欠缺無間斷 氣質之偏自生來便有此矣若自幼至長歷歷曾用變 简書録

常日役役於物忽有一念之善生即夫子所謂譬如平地雖 聖賢立心扶持干萬世之綱常 借問天源深幾許古今常只是滔滔年年成就無邊物 本體何曽城! 亳 治世君臣警戒之辭多哀世君臣諛説之辭多 渦湖乎天源之莫測浩浩乎天流之無窮 一古聖賢木當不以警懼之意為勉 何物那竟不得而名也 次之四声公告 循循而不已者具有所至與 覆一簣進吾往也平日力於為善忽有一念之懈生即 聞每獻矣尚安能忻悦不已而發之所行哉 新忻悦不已而行之亹亹忘倦者心與言不相契則每 語之而不情只是顏子之心深契聖人之言故每間每 夫子所謂譬如為山木成一簣止吾止也 理氣間不容髮如何分熟為先孰為後 小人密於自脩 清洁绿

後學有未涉四書門庭者開口即論太極馳心玄妙而 程子親受太極圖於尚子而終身不以語人其應遠矣 徒 今之學者有開口即論太極者不知果識否不然吾恐 周子之太極即中庸之誠 太極只是箇性字 非實理則月易而歲不同矣 納五常之理萬古猶一日 (得其名而不得其所以名也 卷三

萬物一年生一番是得一年之氣萬物雖銷落民滅無 飲定四車全書 萬物各得一理之一分而一理之本體依然完具初無 終毫之減损也 夠黨一篇皆聖人之時中 餘而氣之深深日新者自無窮己而所以無窮己者豈 不知反求諸已其與有不可勝言者 理涵萬物萬物分一理 太極為之體與 ·請言針 青

雲厚則雨甚雲薄則雨少 萬物自微以至著 養民生復民性禁民非治天下之三要 **究竟無言處方知是一** 聖人全體太極渾身是天理也 | 者相因可見有虞為治之序 問收功何所似玄大幽點本無言 命棄構百穀即命契敷五教総以皐 一源 卷三 陶明刑治教刑

飲定四庫全書 然則孰為大曰天為大海者天氣之流萃岳者天氣之 若有方矣而其所以為者則未有方也以其無方則 海其大乎曰非也岳其大乎曰非也地其大乎曰非也 問而卒莫之始終也 殆不可知其孰為終孰為始益必有能始能終者居其 孰 為始乎 氣之息其始乎始之前為終終之前復為始 不識理名難識理須知識理本無名 流峙地者天氣之流結是皆天之所為也天之所為者 讀書録 Ī

馬爾 氣有形理無迹氣載理理東氣二者渾渾乎無辜忽之 **殿局明者日之為乎曰日特陽之一** 暗也然則明暗孰為之哉曰氣機一動而羣陽闢畫之 機之所為而實未當有為也是皆循環相推而不得已 明從馬氣機一静而羣陰翕夜之暗隨之動静翕闢旨)駸駸而暗者月之為乎曰月亦隂之一物耳非能為 大不亦宜乎 物耳非能為明

間也

萬物未生不加多萬物已生不加少易所謂富有日

新

其是之謂與

謂有乎則視之無形也謂無乎則其來有本也有本而

無形則有而無矣無形而有本則無而有矣有而無無

而 地山川日月星辰萬物皆可見也而其所以為是 有非真知有無為一 可見也以不可見者語人孰信哉葢必心得而後 體者不足以語之

火とり上を動う

讀品鉄

圭

升堂入室必以階而君子為學亦必以階小學大學古 那今朱子小學四書猶古之皆也循此而賢循此而聖 寥而迷惑顛躓於其學功利之途者衆矣卒亦何所至 地山川日月星辰萬物之理一也 見也其所以為是百體之宜則不可見也可見而無不 也心得非他必自近始近莫近於吾身吾身百體皆可 為學之階也秦漢而下學者莫得其階升堂入室者寥 可見者為之主則百體皆失其職矣舉近以明遠則天

東で Para Crimin 是在人馬耳舍是而階於他吾不知其所至矣 道之益不待教督而好之者矣夫何故以其味之甘也 澹則人心平而天理存甘則人心迷而人欲肆是其得 君子之心欲人同其善小人之心欲人同其惡 失之歸亦何異於樂之感人也哉 家小說淫詞綺語怪誕不經之書鄭也莫不喜談而樂 諸聖賢之書雅也喝者少矣夫何故以其、味之澹也百 宣獨樂有雅鄭那書亦有之小學四書六經漁洛關閱 請言録

明又無離而二之之病 形而上者謂之道形而下者謂之器聖人論理氣最分 讀書錄卷三 一萬事定於一萬古定於 手足之理各具之太極也一心之理統體

欽定四庫全書

讀書録卷四 子部

詳校官中書臣素 瀛

侍讀臣孫球覆勘 枝總 総校官進士 胳 緑 監 生臣 潘 朱

張德涛

庭药鈴

火っとりたけんから 是有手足之理以身之所接而言父子有父子之 以至萬物有萬物之理凡此衆理莫不窮而通之 再有其之理目有目之理口身有口身之 知其理於一身之理必有以踐之於人 理夫婦長幼朋友有夫婦長幼朋友)於萬物之理必有以處之所謂 岄

體認未至終未能與道合一 精粗之殊而窮也盡也至也則忍有淺深之序學者不 性也能盡其性則理所自出之天命莫不有以造極 盡去乎 吾奮然欲造其極而未能者其病安在得非舊習有未 作存作亡者是間斷之時多也 原所謂至命也理也性也命也雖同為一理初無本末 不察 太囚 飲定四年全島 · 生理無不貫者仁也 無異恐有愧於故舊也 吾北歸得如非復吳下阿蒙則庶有進乎若與初來時 爾所生吾來湖南三年矣北歸有進庶無忝爾所生乎 朱子遣子從學欲其一變舊習而歸曰念之念之無忝 之新甚可惡當刮絕之 舊習最害事吾欲進彼則止吾之進吾欲新彼則泪吾 .則一不仁則殊 商富銀

種之即成百萬株由是推之生生之理盖不可勝 株姑以結百李言之種之即成百株百株結千 一道之大英能禦 - 道之大於此亦可見 意無窮偶於李核可見如 可斯須離正理身不可斯 結萬李種之即成萬株 李核種之即成一 須離正道

卷四

讀有卦重之易當知無卦畫之易有卦畫之易今之易 書猶可以言求無卦畫之易則可以心會而不可以言 開眼六十四卦皆見於天地之間 唐歷代治天下純是人欲之私帶些子天理於其間 周子通書字字皆實 滿拍損謙受益即謙卦虧盈益讓之意 的點言志只是個仁字 二帝三王治天下純是天理之公無一亳人欲之私漢

文とり声を動う

请占好

聖賢言格物致知處便當效其格物致知言存養省察 不敢有邪心漸近於誠 有三端兩緒在心則先自撓雜矣應事安得不錯乎 事未至先無一 道只在動止語點之間身外求道遠矣 萬物皆一陰陽陰陽皆一理 求邵子所謂須信盡前无有易是也 知如未知已能如未能則有進 一物在心則事至應之不錯若事未至先

钦定四草全書 也 學者開口旨能言道是好道理然當自體諸心果能質 處便當效其存養省察聖賢為教之法無不效其所為 斯須照管不至則外好有潜勾竊引之私不可不察人 謹防外好以奪志 徒能言之於口而體諸身心者皆不能然是所謂自欺 則讀書有切已之益而不為口耳之陋矣 好此好道理否又當體之身果能實行此好道理否若 過書録

天地自然之文物物皆具如花木文縷綠色之類皆是也 畏之心而不可忽且如就枕時手足不敢妄動心不敢 噬嗑責豐旅四卦論用刑皆離火之用以是見用法貴 亂想這便是睡時做工夫以至無時無事不然 而 為學時時處處是做工夫處雖至都至陋處皆當存 心貴乎光明潔淨 入矣 如寇敵專以窺吾之虚實斯須防悶不密則彼乘問 志內 飲定四車全書 情也 節 斷 濟資旅以山火火山交互為體貴乎明慎並用治獄 四要公慈明剛公則不偏慈則不刻明則能照剛 物為養生之具固不可缺但君子取之有道用之 物至輕已徳至重重其所輕輕其所重不知類也已 明噬监豐以火雷雷火交互為體用法貴爭威明共 則取不以道用不以節所謂天理人欲同行 K 清鳥舒 Ь 有

順 不難矣 常得心在内则寡過矣 易而不見其難人能事事順理而行則亦如天之自然 細看天之生物只是自然無纖毫作為之思故人見 干古聖贤之言 理而行則直而易逆理而行則曲而難 放即悠悠荡 緊貼在身心做不可斯須外離 性字括盡 を四 火足的事人生 图 心地乾淨自然寬平 勝其難也 理而行本無難事惟不知順理妄行所以崎嶇險阻不 所謂理者萬事萬物自然之脉絡條理也循其脉絡條 而不必其事之同如禹稷顏回遊雖不同而道則同也 能知天地萬物各有截然之分則心自定矣 理而行者如白晝見路分明而行自無差錯不知 調書録

聖賢之迹固當考而已之所行者又當隨時揆之以理

予畏上帝不敢不正可見湯之伐夏一出於上天之公 皆不外此五者矣 請前句如無後句讀此書如無他書心乃有入 終未免有差也 孟子所謂天吏是也夫豈有一毫利天下之心哉苟有 凡看聖賢書皆當以仁義禮智信五者細細體會旁通 而行者如昏夜無所見而冥行雖或偶有與路適會者 '久則彼此互相發明可以見天下道理之名雖多而

成湯放祭於南巢惟有慚徳湯之不幸天下之幸也 利天下之心則非所以為湯矣

聖人言太極就陰陽中指出此理以示人元不曾離陰 太極也 易有太極易者陰陽之變而其所以為是陰陽之變者 天之生物一本也知易者莫若孟子

陽而言如所謂一陰一陽之謂道形而上者之謂道形

文正的正 红土

調書録

而下者之謂器皆不曾外陰陽而言道也

四生八八生十六十六生三十二三十二生六十四而 根於十六十六根於八八根於四四根於二二根於 而為四一即在四中而二之一則未當少也四分為八 分而無不在而其分之主則自若也益一生二二生四 分而為二一即在二中而一之本體未當分也二分 六 分而為三十二三十二分而為六十四一則隨所 隨生隨在者分之殊也六十四根於三十二三十 即在八中而四之一又未常減也以至八分為十六

钦定四車全書 天地之功用而造化之迹也 歟 理實未嘗不分也分而合合而分斯所謂一以貫之者 理一之内分之殊若分矣而理之一則渾然無所不包實 天陽地陰陰陽之氣屈伸往來者鬼神也故曰鬼神者 者理之一也理之一各貫於分殊之中分之殊單統於 禾嘗不合也理之一若合矣而分之殊則粲然各有條 心管萬事理一分殊萬事由一心分殊理一 讀書録

陽之能仲者神陰之能屈者鬼二物也伸極而屈者神 星生辰生雨生露生雷生霆生水生火生木生金生人 者默而觀之 生 生天生地生陰生陽生温生熱生寒生凉生日生月生 之鬼屈極而伸者鬼之神一物也二而一一而二知道 太極動而生陽神也静而生陰鬼也鬼神者具太極東 生物生獸生禽生生之多葢不可勝窮也而皆本於

卷四

文三日· 1:47 第 英氣甚害事渾涵不露主角最好 邵子所謂天向一中分造化也 萬物之形著者其始也甚微 只觀人氣象便知其涵養之淺深 促迫福室淺率浮躁非有徳之氣象 氣機而屈伸乎 **河圖虚其中以為太極而兩儀內象八卦皆由是以生** 要有渾厚包涵從容廣大之氣象 简善绿

鵓 精粗本末無盡所以為聖賢之學若舍粗而求精厭末 而求本所謂語理而遺物語上而遺下鮮不流而為 無可依據之地曾點所以流於狂也 處若見理難明而不一 見得理明須一 畫前之易不待卦畫而已著者也 金切四月多言 以接孔孟之傳者只是進脩有序 一獎履過則事與理相安而皆有著落 一踐履過則理與事不相資終

問自不為文字言語所纏繞矣 讀書尚著實體認如讀中庸首章天命之謂性便當求 因 便尚求三者的為何事如此則道理躍如皆在心目之 天命之性的在何處讀大學首章明德新民止於至善 曲折細微理無不賞 直是要求實理質理之名雖在書而實理之理則在 問畫伏義八卦小圓圖貼於壁上觀之覺有流動之 理

飲近四事全點

.讀書録

意

聖人取人不以有功而揜其過不以有過而揜其功 聖人取人極寬如仲叔圉祝鮀王孫買皆木必賢以其 每日就身心言行應事接物處緊緊體認仁義禮智內 纔言象便非真因象以識其真則在人馬耳 論不置而遺其人者視聖人包含之氣象遠矣 孟子曰天下之生久矣一治 僧認得是則行不錯 可用猶皆取之後之君子好議論者於人小過必辨 亂知易者莫若五子

常有欲以觀其微應上文有名萬物之母 老子道德經常無欲以觀其妙應上文無名天地之始 後世有論人過而遂沒其功者多見其剋核之甚也

管仲霸者之佐耳其過多美聖人猶不廢其一匡之功

讀二典三謨夏商周書其明白者皆有切於學者之身

心愈請愈有味

之化育點契為一非但聞見之知而已但中庸言己妻 知我者其天乎猶中庸所謂知天地之化育言與天地

钦定四軍全書 !

請書録

1

默契為一是以人不能知而天獨知也然五者姑舉事 貞之天理也謂之天知者非聞見之知也乃天與聖人 之大者而言其實無一而非下學人事上達天理也 子君臣夫婦長幼之人事便是上達仁義禮智元亨利 也人事如父子君臣夫婦長幼之類是也天理在人如 下學而上達知我者其天乎下學學人事上達達天理 天論語言天契已其實一也 仁義禮智之性在天如元亨利貞之命是也益下學父

とこうことここ 聖人所以為聖人如愚之顏一唯之曾子而已如子貢 言夫子猶天不可陷而升及終來動和之論則子貢亦 家人卦治天下之本偹焉 但雷同知其名而已實不知聖人之所以為聖人也知 **貢雖未能盡領夫子之嘆若後來性與天道不可聞之** 夫子發莫我知也之嘆益當時之人雖知夫子為聖人 可謂深知夫子矣 /髙識猶未及此故曰知我者其天乎然於斯之際子 調清録

偶食桃梅桃結督為其生者味酸熟者味甘因思孟子 理象數解易倫馬 君子熟於公正小人熟於私邪 君子熟於精微之義小人熟於機許之巧 君子熟於善小人熟於惡 獨仁也苟為不熟焉得其味之美哉 曰夫仁亦在乎熟之而已葢凡為學為善皆貴乎熟不 |渾只是天也 卷四 欠こうらんき 觀天之道皆公而自然不為何而春夏生物下 馳釋與道為 毫私不有渾渾乎其深大也 理氣象數之外無餘物 來學不可有為有為即人欲而非天理矣 小道理吾心悦而不能言 此以告人人其信之乎吾其誰告之 無物物外無天 請書録

金页四月至十 讀書必專精不二方見義理有一念之雜即隔 聖稱之有自矣夫 秋冬成物人之道亦公而自然不為何而行仁義不為 典談仲虺成湯伊傅諸書尤切於學者 商書數篇光明峻潔真所謂瀾瀾者也 讀咸有一徳之書則知伊尹之學極其精密成湯以え 何而行禮智若有為而行即私而不公矣 鴻鵠之心讀書以不能造乎精微 卷四 一重矣

謂求多聞事不師古之事即時惟建事之事非有二也 説命曰惟學遜志務時敏厥脩乃來允懷于兹道積于 求多問猶易曰多識前言往行以蓄其德耳必謂資之 **說命曰人求多聞時惟建事下文即繼之曰學于古訓** 罔覺皆為學之效 允懷終始典學皆為學之功乃來道積于厥躬厥德脩 厥 躬惟數學半 念終始典于學於德脩問覺遜志時敬 乃有獲事不師古以克永世匪説攸聞益學古訓即所 十四

火江の時心地

請書録

理十分事業總是人欲之私與聖人之心絕不相似 者皆天理有所為而為者皆人欲如日用間大事小 張南軒無所為而為之之言其義甚大益無所為而為 耳當以朱子語録為正 既乃避於荒野暨厥終問顯只是甘盤隱避不顯于世 人可乎 無所為而為若有一毫求知求利之意雖做得十分中 只道我合當如此做做了心下平平如無事一 一般便是

在文正人人

意 觀師見見一章可見聖人接物之誠心若常人之於瞽 知及之仁不能守之雖得之必失之狂者也 其聲納交要譽之心生即有為而為矣 如作見孺子之入井惻隱之心發無所為而為也若惡 雖當理未能無私心也謂之仁可乎 無所為而為猶當理而無私心仁也有所為而為者事 無所為而為猶正其誼不謀其利明其道不計其功之

次户四華全島

讀書錄

L

敬天之心瞬息不敢怠 近來誠實畏天而不敢前一念之惡 而已聖人於上下人已之間皆一誠敬之心 常人見貴人則加敬見敵者則敬稍衰於下人則慢之 觀里人與師言辭語從容誠意懇至直使人感慕于數 者鮮不忽易而欺紿之于此亦可以觀聖人之氣象 洪範篇造化氣數天理人事皆具書之易也 載之上

惑而易其所守 を記り Æ 以顏子之亞聖聖人猶告以遠佞人況他人乎理明心 君子居君子之位小人居小人之位則治反此則亂有 易六十四卦三百八十四爻只是君子小人迭為盛哀 則邪媚不能感 文夫以正大立心以光明行事終不為称暗小人所 下國家者皆當親君子而遠小人 五事踐形盡性之學脩於此 1.1. 清吉舒 共

-

那正相為勝負久矣 王曰惟天地萬物父母惟人萬物之靈賈聰明作元后 湯曰惟皇上帝降東于民若有恒性克綏厥猷惟后武 仲虺曰惟天生民有欲無主乃亂惟天生聰明時又成 君子之出處當脩之身而聽之天彼卑污苟賤搖尾乞 好正道則正人至好那道則邪人至氣類相感也 憐攀援勢要以售進者果何心哉 后作民父母歷觀自古聖君賢相之言如此則天之

金分以外有手

老子云玄之又玄衆妙之門只是說性情 老子之書始欲論理之玄妙末則流於權術 衆妙之門猶道義之門 豈有他乎哉 所以立君者不過欲治民教民養民使各遂其生而已 **牡子斵輪之説深中學者溺於語言而不得其意之弊** 但讀易之法如此他書皆然 程子曰予之所傳者辭也由辭以得其意則在人焉耳不

火の子! ここう

讀書録

ナセ

遑恤其他 余覺前二十年之功不如近時切實而有味 真見明則邪見不能感 不知所說為何事誠所謂糟粕者也其弊也久矣 世有開卷則能說義理真若有所得者掩卷則於 地者吾之父母也凡有所行知順吾父母之命而已 天圖却觀坤良坎異乾允離震以至復皆前天地之 見得理有下落方為真見

巷凹

前而不見其始之合推之於後而不見其終之離也 往者推其往而無極來者推其來而無窮所謂引之於 事皆歸重於卜以是知占卜古為大事 範稽疑專以卜筮為主大誥洛誥諸篇凡征伐定都大 己神矣則龜筮之神安得不應之如所謂官占惟先 古者占卜之法聖人以至公無私求之其求之之心固 占卜古為大事舜欲禪禹禹曰枚卜功臣惟吉之從洪

往順觀自復震離允乾異坎艮以至坤皆後天地之終

とこう 単 とかり

讀音錄

多分四人人子言 志昆命于无龜朕志先定詢謀僉同鬼神其依龜筮協 孟子曰茍求其故千歲之日至可坐而致也康節之學 余每呼此心曰主人翁在室否至夕必自省曰一日所 能寡欲便無事無事心便澄然矣 雖微細事不可苟皆當處置合宜 從之語可見後人以私意邪謀求之欲其應也難矣 **寡欲省多少勞擾** ·徃知來益亦如此

文ミソト 學而時習章便能學而時習否讀其為人也孝弟章便 讀書所以不見德宗業廣者只是講說不曾實行如講 事不妄為事事皆天理 便有益心不妄思一心皆天理身不妄動一身皆天理 看得為學無別法只是知一字行一字知一 能孝弟否請顏子問仁章便能非禮勿視聽言動否若 為之事合理否 不能如此只是講説耳 CITY **3** 請書録 一句行一 え 一句

金贝口用人言 卦爻六位皆虚隨所值竒偶居之 客所謂問流六虚者也 凡卦六爻以初二三四五六為主以所值九六之爻為 因無窮盡故無方體若有窮盡則有方體矣 迹履之所出也而迹豈履哉書道之所出也而書豈道 天下無獨必有對河圖卦畫可見 雨皆地氣自下而上蒸騰而成天愈髙則氣愈清不能

成雨也 有也 雲濃則成雨氣濃則生物易曰天地組組萬物化醇 欠三可言 雷電風雲雨 矣 欲進不進學至不感則理明而無疑其進自不能 惡揚善非剛明者不能故於大有言之内剛外明大 不能有進只是感惑者見理未透而心有所疑也 路霜雪之類皆氣聚而有聲有形既散 請占録 Ŧ

曾子所傳無弊只是教人有序大學可見 内剛外和決小人之道 金分四人人名言 决小人當先自脩不可專尚剛強夬曰告自邑不利即 看聖門教法只是有序無序便差 謹守下學自能上達 細看天地萬物皆氣聚而成形有聚必有散雖散有去 無迹矣神矣夫 ,遅速之不同其散一也 を凹

たにり自己的 道也 聖人之言雖零碎説而合輳起來則皆賞於 只是合當如是便是理 h 取 理氣雖不可分先後然氣之所以如是者則理之所為 戎利有攸往 與是一 健則有必去之志外説則無悻悻之色決小人之 大節其義不可不明 調書録 主 諸子ク

在先 五性之用知最先如開眼作事便要見是非豈不是知 理直要心得難以言語形容之 識之可也 理直是難說謂無形則須有理謂有理則又無形惟 理氣不可分先後只如太極圖可見 極動而生陽雖自動處說起而其根却自静中 太心 則有不通者矣

金公山月月十

 \odot 是静静便是氣豈可說理先而氣後也 附 為之根静而生陰是左邊陽為之根方其動也則太 理只在氣中決不可分先後如太極動而生陽動前 所謂動静無端陰陽無始也 天之四時貞下起元是也然静又根於動動又根於静 動而行方其静也則太極依静而立陰陽相根理氣 此圖中一小國即無極而太極動而生陽是右邊 無問斷先後 過りは Ė 極

多定四年全書 如手足耳口鼻之類皆人也其理則道也須是於手足 頻 雖在是而心亡無以察其妙耳 有以識其妙耳心一放而萬理皆失失非向外馳也益 陽止於二陰之上山之象一陽剛也石也二陰柔也 也觀之山可見 類事事操持其理斯存所調人能弘道也若手足之 不加操持則理宣能自存哉此道不能弘人也 收而萬理咸至至非自外來也益常在是而心存

攸定惟敬則能凝聚得此理常在如心敬則凝聚得德 周子太極圖未子之解以心契心者也熟讀精思二三 d) 以異矣此敬之一字乃聚德之本而為踐形盡性之要 而 無不皆然或有不敬則心君放逸而天德亡百體解 在心上貌敬則凝聚得您在貌上以至耳目口鼻之 古語日敬德之聚也此語最宜潜體益道妙莫測靡 歟 物則廢雖日有人之形其實塊然血氣之驅與物無 前門 į 類

彩定四庫全書 自為一 未子口聚散者氣也若理則只泊在氣上初不是凝結 余見說太極者多矣**药非實得真說夢耳** th 理既無形安得有盡 也 如月氣如水或一海水或一 **雁得其肯趣之妙殆非淺近之功所可得而窺測** 物但人分上合當然者便是理不可以聚散言 江水或一溪水或

或 次定四重全書 图 易有太極言氣以原理太極動而生陽言理以及氣 水盡時各水之月光雖不可見而月之本體則常存初 後人開口論性天道而其理益隐矣 有形者可以聚散言無形者不可以聚散言 又可見矣 不與水俱盡也以是觀之則氣有聚散而理無聚散也 海水盡或一江水盡或一溪一沼一種 鍾水或一盂水水雖不同莫不各得一 讀書録 吉 盂水壶

月之

書務欲包括古今問目以為次科之利使後學轉相 近世儒者自裂經史子集百家之説區别門類綴集成 天道誠有不可得而聞者 子貢謂夫子之言性與天道不可得而聞也近見性與 聖賢專以為己之學教人而猶有為人者况以科舉為 人之學教人乎 為科目而著書者皆非為己之學也 竊但資僥倖利達而無以資身心之用其弊也甚矣 卷四 欽定四庫全書 見 者矣故曰致遠恐泥 理為何如 至於性天道僅見於子貢之語而夫子之語則終未之 諸子百家皆有可取之言但欲句句求實用則有不通 為說書應答之用其壞人才也甚矣 俗儒不知教人之本或為講語之類使學者詢習全文 及也後之學者開口即論性天道之微竟不知實於此 部論語聖人所以教人者率多孝弟忠信仁義之道 讀言於 Ė

請朱子語録雜書斷不若請其手筆之書 聖賢之書統體純粹而不雜諸子之言雜版中亦有純 後儒纂集雜説語録附諸經書條下有語同而數處時 見者幾於曰若稽古三萬言矣 誠知此理有昼泰山而小天下之氣象 無物有大於理者天地雖大亦一物耳 江邊石壁無寸土而草木生之尤可見剛陽之氣 粹者即取馬可也

飲定四車全書 图 說愈生支節而莫知其本若傳註精熟之餘有餘力而 學者於正經傳註尚不能精熟即泛觀小注中諸儒之 繁多不惟有與經註矛盾處亦以起學者望洋之歎 書正文傳註熟之又熟之以待自得之可也小註脚太 知禮之大則知萬物之小形而上者無窮也 外慕者旨不知其味也 參看之可也 各經內書註脚之註脚太繁多竊謂不若專讀各經四 頑害録 Ė

聲之物接於耳者無不悟其妙也張子吾間驢鳴之意 **耳順非特間人言語為聲入心通雖風雷禽鳥一切有** 理 太極圖右半陰中之陽即程子所謂靜中有物乃十月 天地問無别事只 倫日用之常善觀者於此點識馬別其體洞然矣 理雖微妙難知實不外乎天地陰陽五行萬物與夫人 純坤中之陽也 分殊開眼便見 理陰陽五行化生萬物而己

亦如此 觸目皆物物識具理所謂眼底無全牛也 要當於有形處點識無形之理所謂費而隱也物格

當謹信而不可忽今人日用言行將謂小事都不謹信 孔 子曰庸言之信庸行之謹以是知言行之至小者皆 則識太極矣

| 德業所以不廣崇也

段定四車全書 四

騎占領

Ę

質當脩其在己名無恤其在外 在外者皆不可必在己者皆所當求 有求名之心乃人欲而非天理矣 静思善皆已分之當為初與人一毫無與若纔為善即 已未善人譽之不足善己有善人毀之不足怒 夜圖為無非 極反之於身精而約者也 極理雖至妙而其實不外乎身心動静五常百行之 一身供欲之計宜其氣象之界的也

矣 間後人論太極即作髙遠不可究詁之理求之去道漆 近者小者既盡則遠者大者可黙識而一以貫之矣 看太極尤分明不必專論於千古之上六合之外也然 只於身心口鼻耳目手足動静應事接物至近至小處

改色日后

疾惡之心固不可無然當寬心緩思可去與否審度時

讀書録

伏義觀象以畫卦周子原理以作圖其義一也

太極乃至精至約之理全之者聖脩之者賢

彼已何與馬者也 宜而處之斯無悔切不可聞惡遽怒先自焚撓縱使 觀太極圖得一静字為處事之本 觀聖人之去小人皆從容自在若無事者所謂可怒在 事最不可輕忽雖至微至易者皆當以慎重處之 經日勿忽疾於頑孔子日膚受之烈不行皆當深外 能去惡已亦病矣况傷於急暴而有過中失宜之與乎 皆菌謹始慮終

飲定日本会事 萬物畫天地老超然獨存再造天地萬物者其太極平 不為耳目口鼻所役覺得心常泰然 其理而踐其實故日亦足以發 他 亦足以發只是尊所聞行所知耳 從事於主敬者斯得太極之妙 如崖石上草木宣有種皆氣化而生也 《聞聖人之言便休顏子於聖人之言句句無不識 請害你 芨

拚 地之 地之初人物無種統是氣化自人物有種之後 雖成而氣化亦本當息自今觀之人與禽獸五般之 凡有種者特形化至若民蟲草木之類無種而生者 下有火賣君子以明庶政无敢折獄上山下火火為 明不燭遠故有此象)初總是氣化今則氣化形化並行而不息 道種根蘇旨盡然 一斤白地驗之雖松至泉環暴肠焚烧其 路滋澤風日吹 烜

l'o

盛 而氣化消者竊以為不然 次三日年 と 生靈濕魚生與人氣生風之類無非氣化也或調形化 t 石壁上草木最可見生物自虚中來虛中則實氣是也 則草木復生其處此非氣化而何又若腐草 ·讀書果能於聖人之言句句皆體之身心而力行之 切有形之物皆呈露出無形之理來所謂無非至教 此直使人有手舞足蹈之喜 調書録 ŧ.

讀書只當以正文傳註為本正文傳註已通析尚有可 無誠心向此雖經書一華及復以数萬言釋之人亦不 必重加技削矣 但不能周覺并經文傳註亦不能精矣若有大聖賢作 註經文不過數語而小註乃至數千百言其實學者不 疑者乃可参考語録諸說竊見傳註之外皆有諸儒小 即是顏子亦足以發之意 果能誠心求道雖五經四書正文中亦自有入處若

1/1/1

悉凸

樂章日今亦不敢妄為之說如此之類甚多聖賢之 聖問教人皆器故其端使學者深思而自得之如夫子 程子曰易傳只說得七八分待人自去體完未子釋 所謂不慎不啟不悱不發孟子所謂引而不發雖如也 識高則量大氣盛則聲宏 且明矣而學者莫肯盡心其間何邪 能有得也 程因遺經而得不傳之遺緒令之傳註可謂發揮詳 ĭ 清告節

金丘四样全書 易書春秋誠有不可強通者只當缺其疑 復致思其實不能真得於心而徒增口語之詳再以是 論其底蘊使學者一見之頃即謂吾已盡領其妙而不 能深思而自得也故必畧改其端使彼深思而自得之 知聖賢立教為處甚逐而有益於學者甚大 則守之卤而不忘矣後之人有於聖賢引而不發者極 非不欲一言而使學者盡得其義其實道體深妙有非 言所能遇者而言之輕適足以使聽之者易彼必不

仲長子光日在險而運竒不若宅平而無為 密汝言和汝氣 錯必欲字字釋其義難矣不若守朱子讀書之法通其 易書春秋以數千年簡編之傳寫宣無一言半句之磨 薛牧問仁文中子曰五常之始也問性五常之本也問 可通者缺其不可通者 文中子曰古之從仕者養人今之從仕者養己切中後 世禄仕之病

久己9年/1·1 時后候

觀奇偶則知邪正有选勝之理扶陽抑陰距邪問正 息邪正相勝而然邪余皆不知其故也 **盛而前代之治有所忽其殆有所来而至邪抑氣化消** 道五常之一也 金カビハイコ 三教之說其来久矣使教有三則天地之化亦有三矣 **黃帝克舜三代之世又何為不出那果非邪何其既出** 而好之者泉邪两方之學未出而天下之治靡所飲既 自有天地即有聖人之教西方之學果是邪伏義神農

孟子曰天之生物也一本而世以三教並稱則是天之 聖賢吾誰望那 |物亦有三本那

他書非無脩己治人之法但散出而難得其要得其要 脩己治人始終條理詳偹者無如大學

服異音異行人皆知惡之而有不惡者何那

文ピリーを 者大學也 人心皆有所安有所不安安者義理也不安者人欲也 2 清吉外 圭

論治而不本於大學非所謂治也 有大學之工夫則有王佐之事業 大學八條目工夫一節不可缺 大學三綱領八條目於千里之書無不括盡 然私意勝而不能自克則以不安者為安矣 人學文簡而包括無窮 (學全體大用之書也 學之道具至矣于不行於世也古矣

政出於一 鮮失矣 施行者識之 唐虞百揆之職揆之一字最有深意政事可止可行莫 理非利口辨舌者所能知惟黙而成之不言而信存乎 經傳究竟而不可言者所謂密也 不觀諸陰陽乎其化皆以漸而不驟人之處事如是則 學乃諸書之括例 則治有所統而民心信

災亡り事かり

讀書妹

吉

發事也 漢唐宋之治所以苟简而不能復三代之怪者皆不能 患知人之不明不患大臣之竊柄益知人則所任者必 盡大學之道耳 左右竊柄者必有人矣觀之後漢可見 君子何竊柄之患不知人則雖防忌大臣不使預事而 不揆度其宜可則行否則止此所以政出於 舍大學之道而欲復三代之治未之有也 無

家則以私明為治則以雜霸於人倫之序與和者茂如 或謂誠得大儒佐漢祖以禮樂為治其效當不止如叔 孫通制禮之小竊謂漢祖以馬上得天下不事詩書治 唐太宗欲興禮樂可謂不度德者也 也使有大儒生其時果能發其已成之氣習致君德如 一代之隆那不然則亦無如禮樂何也 網五常禮樂之本萬事之原 極者萬理之總名

次已日奉人

销售銀

蓋

也 看來理一齊皆具而無 亦不雜氣而無別 (極難說太極神妙不測不問遠近坐深大小精粗 不在 '見者是氣氣之所以然便是理理雖不離氣而獨 則萬發不齊理則 (論治有本有末正心脩身其本也建置立法其末 定不易 物能外之者 無

定了 惟以文辭名位自髙而貪鄙之行有不其常人者斯亦 易從至微以到至著 為君所委任者當以誠報不可一 易之卦爻彖数旨是天生的 以勢利交者安得不終離 物 天地生人物不是漸安排简理來與他益合下便己 有此物便有此理元不相離 ī >無添無減無多無少萬古只如是有此理便有此 湖馬係 一事欺之 美

多好四庫全書 盡前之易冲漠無朕之中而萬象昭然已其也 百 不足貴也己 挺特自守者必君子攀援附和者必小人 無是髮欠飲無瞬息間斷 姓日 明而觀泉論之得失了然 極圖義理精而約該而倫 极中 無 用而不知皆為氣所隔昏散之極始與物無其 物人能中虚無物則太極之妙可點識矣

矣 聖人之心如天物有違忤者終無私怒也釋氏極言且 看來學者不止應事處有差只小 心存則因器以識道 物喻之即滞於形器矣 く・・・ 可以方所求 理真不得而名故夫子取無聲無臭以形容之若以 2極論道妙而以金玉珍寶奇怪之物侈言之何邪 場馬原 小言動之間差者多 三

聖人之心天地之理以是直 聖人之言坦易明白讚之十古可見其心老莊之言回 即報之以種種之罪又何量之小而心之忮邪 **那點阻使請者不可模擬此其所以為其端也** 天體物而不遺仁體事而無不在吾道一以背之 極圖 妙無方慈悲忍辱至於一 《聞人毀已舉己元不少動如浮雲一 以贯之 有段誘其者不尊其教者 過高太虚湛

多定四庫全書

Į.

纵 教人之法至程朱而復明 教人不以小學大學為學不由小學大學皆非教非學 欠己り見 觀孔門諸弟子之言從容和毅皆仿佛夫子之氣象乃 治病不求具本除弊不自具源難也已 産鋳刑書叔向譏之此有深意 -學詩學字錯用工大多早移向此庶幾萬 1.4.5 損馬録

聖教経煦而然也 欲以是誇人而有道者無足觀也必有極口腹之欲養 衣食之源以厚民生故衣食飽暖足矣若過求華麗之衣 衣食之類本為養生之具不可缺者故聖人為治必開 心無所止則一日之間內方上下安往而不至哉 不以禮制心其欲無涯 為華侈者人欲之私君子謹之 以失大君子不為也是則衣食取足者天理之公過

常伸於萬物之上彼爲得而小之 後人只為多欲故為異端所小若能如聖人之無欲而 欠三月月八十月 君子法乾之健只無私便不息有私則息矣 1.老之髙只是無欲無欲而滅絕倫理故曰髙而無實 請書録

金为正人名言 請書録卷四